


**SENIOR CERTIFICATE EXAMINATION
SENIORSERTIFIKAAT-EKSAMEN**



**OCTOBER / NOVEMBER
OKTOBER / NOVEMBER**

2004

**ISINDEBELE ILIMI LESIBILI
IPHEPHA LESIBILI**

Izinga Eliphezulu

HG

926-1/2

12 pages

IsiNDEBELE SECOND LANGUAGE HG: Paper 2



**COPYRIGHT RESERVED / KOPIEREG VOORBEHOU
APPROVED BY UMALUSI / GOEDGEKEUR DEUR UMALUSI**



UMNYANGO WEFUNDO WEGAUTENG

UKUHLOLWA KWEBANGA LETJHUMI NAMBILI

**ISINDEBELE ILIMI LESIBILI
IPHEPHA LESIBILI
(Izinga Eliphezulu)**

ISIKHATHI: 2 Ama-iri

IMITLOMELO: 80

IMIYALO:

- Iphepheli lineengaba ezihlanu, A, B, C, D no-E.
 - Khetha nanyana ngiziphi iingaba ezimbili kwezihlanu (A, B, C, D no-E) uphendule yoke imibuzo engaphasi kwazo (Isib: Isigaba A: Umbuzo 1; Isigaba D: Umbuzo 4)
 - Phendula imibuzo emibili kwaphela.
 - Tlola ngesandla esihle nesibonakalako.
 - Umsebenzi ohlanzekileko notlolwe kuhle uyakhuthazwa.
-
-

ISIGABA A

UMBUZO 1

Itsengo 5: Ntuli M.S.

Funda ikondlo elandelako bese uphendula imibuzo.

Mthombo wefundo ephezulu,
Mthombo wamanzi amnandi,
Mthombo wepilo ehle,
Rholo labanzima,
Mkhanyisi okhanyisela iintjhaba zoke,
Ngiyakuthokoza Mthombo ongomiko.
Uphakathi kwehlathi, ujame wedwana
Ujame njengekutani,
Usiza abancani nabakhulu
Ubapha ituthuko ekulu.
Ngiyathokoza Mthombo ongomiko,
Ngiyakuhlonipha Mthombo ongomiko.
Ngafika kuwe ngingazi litho,
Ngeza kuwe ngingakaphathi litho,
Ngatheleka kuwe ngingasilitho,
Ihloko yami inganalitho,
Ngiyakuthanda Mthombo ongomiko.
Uyangithabisa Mthombo ongomiko.

Phendla

ENqabeni neNaape kuhlala amasokana,
ENofanezile neMthonjeni kuhlala iintombi,
Sibuyaphi isitjhaba sekhetu esingaka?
Sivela kizo zoke iindawo
Sisela amanzi wetuthuko.

Mthombo ongomiko khula uye phezulu,
Mthombo udume eentjhabeni zoke.
Angazi ukuthi ngithini.
Ngikubize ngelwandle lefundo,
Ilwandle lefundo ephezulu,
Kufundwa emini nebusuku,
Siyabuswa angekhe ngakulibala, Siyabuswa:
Ngamanzi owangiseza wona.
Emthonjeni ongomiko.

- 1.1 Tlola isihloko kanye nomtloli walekondlo engehla. (2)
- 1.2 Umtloli bekakusiphi isimo nakatlola ikondlo le? Hlathulula ngomutjho. (2)
- 1.3 Tlola iindawo ezimbili lapha kuhlala khona iintombi. (2)
- 1.4 Akhe utlole lokho ikondlo ekhuluma ngakho. Ipendulwakho ayibe maphuzu asithandathu. (6)
- 1.5 Tsenga isakhiwo sekondlo sangaphandle. Ipendulwakho ayibe siquntu sekhasi. (6)
- 1.6 Umthombo ekondlweni le ujamele ini? Kubayini utjho njalo? (2)
- [20]**

Funda ikondlo elandelako bese uphendula imibuzo.

NDLELA YAKWAMLOTO

Ngidanile ndlela yakwaMloto;
Ngibeke ithemba lami kuwe,
Wahlanganisa ikwaMhlanga nePitori,
Kwavukelwa kwagodukwa –

Bubula bhesi bubula,
Kude kwaMhlanga.
Bu ... Bu ... Bu ...!
Kgo ...! Kenu! Bhul!

Ngozi uphuma njengelanga
Ngozi utjhinga njengelanga

Isililo sehlukene sihlange,
La kuza wena ndlela yakwaMloto.
Thokoza unyaka ka – 1993
Okulethele itjhudu leliwa.

M.S. Ntuli

- 1.7 Hlathulula bona imbongi tjho ini ngemida elandelako:
- 1.7.1 Ngozi uphuma njengelanga.
- 1.7.2 Kgho ...! Kenu! Bhu!
- 1.7.3 Ngibeke ithemba lami kuwe. (3)
- 1.8 Veza bona mhlobo bani wekondlo lo? Sekela ipendulwakho ngemitjho emithathu. (4)
- 1.9 Tsenga ikondlo le uveze isakhiwo sangaphakathi. Ipendulwakho ingeqi emideni esithandathu. (6)
- 1.10 Ikondlo le inomlando oliqiniso ngendlela yakwaMloto. Vuma nanyana uphike bese uyasekela unqophisa ekondlweni. (7)
- [20]

IMITLOMELO YESIGABA A: [40]

ISIGABA B

UMBUZO 2

Kanti Ngewakabani: Skosana, N.E.

Funda isiqetjhana esilandelako bese uphendula imibuzo.

Ncema	:	Hawu, nang'umma. (Seljabula godu kanti gade alila. NoDlhamaga selararekile.)
NaGajana	:	(Afikelwe kusilingeka. Kanti uthome ngokurareka nakabona uNcema angena emnyango alila) Wena Fuduka, ubuyaphi? (Amwahle ngepama).
Dlhamaga	:	(Alamula.) Awu rhulu, yewujame. Ungambetha uNcema.
NaGajana	:	Wo, ufuna ngibethe wena? Yewizapha. (Utjho nje ulalamela ukubamba uDlhamaga osele azombeke ngemva kwakagogo)
Ncema	:	(Sele inguNcema olamulako gadesi.) Jama, Mma, sikutjele. (Unina amsunduzele le uNcema akenuke. Kuthi thutjhe ithuli lamalongwe neziqu. Bathimule boke ngendlini,)
Gogo	:	Fuduka, ubuyaphi, kanti uzosithimulisa siziphathelwe mgomani nje? (Afinye aphare amathimila eziko.)
NaGajana	:	(Aqalisisa uNcema.) Fuduka, wabatshetlha kangaka kubayini?
Ncema	:	(Selavimba ukuhleka.) Mma, gade ngizifihle esitheni.
Gogo	:	Esitheni? (Bahleke boke nabathi baqala uFuduka)
NaGajana	:	Fuduka, phuma! Khamba uyozithintitha ngaphandle!
Ncema	:	(Selabipha.) Awa mma, ngesaba ubaba.

Gogo	:	Khamba ngesirhodlweni. Akunayihlo lapha. Ukude kwaSikokoro lapha akhona. (UFuduka aphume ayozithintitha ngesirhodlweni.)
NaGajana	:	(Aqalise kuDlhamaga.) Uyabona sephele ngabilayela lokha nawuthi isitha sigirikile. (Bahleke godu. Angene uFuduka.) Utjho nina (uDlhamaga ahlathululele urhulwakhe unobangela wokobana angafuni ukukhamba ayokwenda kwaMabhena).

- 2.1 UFuduka ungena nje ubuya kuphi? Hlathulula ngomutjho. (2)
- 2.2 Unina yena umwahlelani ngepama? Hlathulula ngemitjho emibili. (4)
- 2.3 Bala iindawo ezimbili lapha uFuduka bekazifihle kizo utjho nokuthi endaweni ngayinye kwenzakalani. (4)
- 2.4 Tlola elinye ibizo lakaFuduka. (1)
- 2.5 Ukuya ngendaba yokana kubayini uFuduka angafuni ukuyokwenda kwaMabhena? Veza amaphuzu amathathu bewusekele unqophise encwadini. (3)
- 2.6 Tlola uveze isifundo esitholakala endabeni le. (2)
- 2.7 Hlathulula ngamaphuzu amathathu bona uFuduka wagcina ngokuthi ende kubani. (3)
- 2.8 Tlola ibizo lesokana lakwaMabhena ebelizokulobola uFuduka. (1)

[20]

Funda isiqetjhana esilandelako bese uphendula imibuzo.

Ntuli	:	NaGajana, kanti uFuduka loya nimfihlephi?
NaGajana	:	Awa Dzwamari, nami angimazi bona uFuduka utjhingephi.
Ntuli	:	Utjho njani bona awumazi? Kanti ugadeni ekhayapha?
NaGajana	:	Angithi soke besisararwe yindaba yabakwaMabhena abaraga ubukhazi bangakaceli nokucela.
Ntuli	:	Bacele nabacelani? O! Kanti umfihlele lokho uFuduka? Kanti-ke unamala uzamkhupha umbeke la. Yewujame wena ngisayokufuna uMacala. UFuduka uzamveza nangibuyako. Udlumbana bona ngiyadlala. Angazi bona ngidlala ngimntwana na. Begodu angazi bona yobukhazi oburagwa ngabakwaMabhena bangakaceli ikutshwenya ngani.
Gogo	:	(Ezwe lesibhuku aphume ngakwakhe.) Awa Mfulathelwa, ungambetha umntakamkhozi lo. Bhedere betha mina.
Ntuli	:	O! Mma, kanti nawe uyamazi bona uFuduka utjhingephi?
Gogo	:	Angitjho bona ngiyamazi. Ngiphambane naye asithi uyozifihla. Akhenge bengimbuze bona uyozifihlelani. Alo ngirarwa miseme ezele indlu nasi. (Angazi ahlangane nemisene ibuyalayala phasi)

Ntuli	:	Uphi? Uphi? Fuduka! Fuduka! (Ubiza nje uguga imiseme ngamunye awufuthele le) Ho-o-o! Ngizakwephula amathambo lapha ngiyokuthola khona. Ufuna ukungikhupha ukudla ngemlonyeni? Awungazi kuhle wena. NginguMfulathelwa mina lakwethu. (Aphumele ngaphandle. Baphume boke)
Mrube	:	Dzwamari mlise, uFuduka ngizamgada nakabuyako azokulala. Batjho zibuthwa kukuhlwa.
Ntuli	:	Yini gade ungamgadi nakafunwa ngebakwaMabhena, yi?
Mrube	:	Awa, akhenge kwazi muntu bona uFuduka uzakubhaca.
Ntuli	:	Alo wazi ngani bona uzakubuya azokulala? Ukutjelile bona uzakubuya nini?
Mrube	:	O! Utjho njalo? Yewusale kanti nomraro wakwakho. (Utjho uyakhamba)
Gogo	:	Mdoswa!
Mrube	:	Mma.
Gogo	:	Yewizapha. Angeze wakhamba utjihiye izinto zinje.
Mrube	:	Alo ngenzeni mma? Angithi uDzwamari akafuni ukurhelejwa? Yeke uzazifunela yedwa uFuduka.

- 2.9 Kubayini abantu bakwaNtuli bathi bararwe bukhazi bakwaMabhena? (2)
- 2.10 UMacala ngubani? Hlathulula ngomutjho. (2)
- 2.11 Utjho ukuthini uNtuli nakathi "Ufuna ukumkhupha ukudla ngemlonyeni." (2)
- 2.12 Tlola amanye amabizo wakaNtuli. (2)
- 2.13 Hlathulula ngomutjho bona kutjho ukuthini ukuthi "Zibuthwa kukuhlwa." (2)
- 2.14 UNtuli uvezwe njengomlingisi onjani? Sekela ngamaphuzu amabili. (4)
- 2.15 Indaba le isethulela siphi isifundo? Ipendulwakho ayibe mumutjho. (2)
- 2.16 Tlola isinanazelo sakwaNtuli. (1)
- 2.17 UMdoswa uhlobene njani noyise lakaFuduka. (1)
- 2.18 Kubayini uFuduka bekangafuni ukuyokwenda kwaMabhena? Ipendulwako ayibe mumutjho. (2)

[20]

IMITLOMELO YESIGABA B: [40]

ISIGABA C

UMBUZO 3

Amabatha. Masango, B.D.

Funda isiqetjhana esilandelako bese uphendula imibuzo.

Kuzwakala ngokurarana kwelimu nobukhulu balo. Iindaba zabo azisapheli kuhle.

UZondiwe aphakamise irhalasi lakhe arhumule. Athi: "Bathabile, lokho ngikubuziswa kukobana kwangathi sibanengi esihlangana lapha ngebanga lakho. Wena umumuntu okwazi ukugadangela ifihlo ibe ngeyakho uwedwana." Ihleke kancazana intombi yakwaSindana inonde idlalisa amehlo amakhulu. Ithi lapha ilisa ukudlalisa amehlo iphakamise irhalasi ise. Ilibeke phasi. "Bathabile akuzokurhelebha ukuchotjha uphelela ungasazi okwenzako. Mina ngilindele ungitjele bona ngifanele ukwenzani nangisuka lapha ngombana ekhaya bayabhinca. Bazo" Angaliqedi lelo uZondiwe. Abe asele amkhwela azehlela uBathabile. "Uthini Zondiwe? Bayabhinca ekhenu? Nangabe babhincela akuza ekhethu, ubatjele bajame kancazana bazakuzwa ngami. Ukuthi ngavuma bonyana ngiyanazi akutjho litho. Uzakuzwa ngami."

UZondiwe abone bonyana lapha uhlangane neembila zithutha, okungcono yena ufanele ukubuyela phasi. Ucabanga ngobusuku nezinto zokukhamba azisekho. Walinga ukubuyisela ummoya kaBathabile phasi njengoba besele uphakamile. "Makoti weenkomo zikababa akukhulunywane kubonakale bonyana kuhlalwa phasi kulungiswe lokho okubutjhopori ekulumeni yakhe." Kubonakale bonyana uZondiwe sewuyazincengela ngombana abona kukumbi. Athabe kwamambala uBathabile ukuzwa lokho abe abonakale selatjigamisele ihloko phezu kwehlombe lakaZondiwe. Umbone nje bonyana uyayilungiselela into afuna ukuyenza.. Nanyana kunjalo zimbi iindaba kuBathabile.

Iphasi lithoma ukumhlanakela. Nakhu usuke ekhabo ababelethi bakhe baqeda ukumpheka ngomanturwana. Ufika ngapha kuTjhejwa uhlangana nenye godu indaba yokobana uMjarimani noMphikwa bebahlangene.

- 3.1 Ukurhonona kwakaZondiwe kuliqiniso. Vuma nanyana uphike bese usekela unqophise endabeni. (2)
- 3.2 Mangaki amasokana ahlngana kuBathabile? Tlola amagamabo. (4)
- 3.3 Tlola isibongo sakaZondiwe. (1)
- 3.4 Bakwabo lakaZondiwe babhincela ukwenzani? (2)
- 3.5 UZondiwe lo sengathi sitjhimani, kubayini ancenge uBathabile. Uthini wena? Veza amaphuzu amabili, bese uyasekela. (2)
- 3.6 Veza ngamaphuzu amabili bona uZondiwe nomnganakhe bakhamba njani mhlana bayokuveza indaba kwaSindana. (2)
- 3.7 BakwaSindana abakabelethi babola amathumbu. Uthini wena? Tlola uveze ngamaphuzu amathathu bewusekele. (3)

- 3.8 Incwadi le iyafundisa. Uthini wena? Tlola uveze ngamaphuzu amathathu. (3)
- 3.9 Ngokubona kwakho yini okwabe kwenza uBathabile aziphathe nje. (1)
- [20]

Funda isiqetjana esilandelako bese uphendula imibuzo engenzasi.

Acabange ukuqeda ngomuntu oleleko, abuye azikhuze acabange bonyana uzabe wenze ubutjhatjha. Yena ufuna ukulwa nanyana abulale umuntu naye azilwela. Asuke aye emnyango alodlhulule enzela bona nasele kubudisi ngakuye akwazi ukutjiya isithunzi sakhe. Athi lapha selabuya eduze nalapha kulele khona uBathabile noMfungelwa, ajame abaqale. Izulu lezandla sele alifake edinini.

Aphaphame uMfungelwa abone kujame umuntu eduze naye. Avuke msinya. Ahlangane namehlo kaMphikwa abese uthi: "Mphikwa, kodwana ungene njani ngombana gade silodhlele?" Ahleke uMphikwa athi: "NginguMphikwa mina. Angivalelwa. Bathabile uzangitjela kuhle bonyana ngubani lo. Ngifuna ungizwe kuhle, angifuni itjhada nakancani." UMfungelwa alahle amathambo athi: "Bathabile mina angisiso isitjhimani bonyana ngingazokulwa ngibange umntazana. Ngiphuma ngirarhe isithubi kuvele umntazana. Wena ngathana ungitjele kuhle bona umuntu loyo ogade ungitjela ngaye ulapha." Kube nzima kuBathabile nanyana ahle azenza zimlungene. Namhlanje uhlangene neembila zithutha zirholwa ngemhlophe.

UMphikwa ayelelise uMfungelwa bonyana aphume aphele lapha angaphinde alibeke lakhe inyawo. Asikime uMfungelwa afake isandla esikhwanyeni. Athuke aphele uMphikwa acabange bonyana uMfungelwa sewulinga okuthileko. Amsawule ngempama athi: Ulinga ukwenzani? Ufakela mina isandla ngesikhwanyeni? Angene hlangana uBathabile athi: "Nje-ke ngimi umthomi weendaba godu kuzaba ngimi umqedi wazo. Kungcono niphume nipele lapha angisanifuna nokunibona niza kilomuzi."

- 3.10 UBathabile umthandelani uMfungelwa? Beka iphuzu. (2)
- 3.11 UMphikwa ungenephi? Hlathulula ngomutjho. (2)
- 3.12 Yini izulu lezandla? Hlathulula ngomutjho. (2)
- 3.13 UMphikwa ngutsotsi omkhulu. Vuma nanyana uphike bese usekela ipendulwakho ngamaphuzu amathathu. (4)
- 3.14 Ngiyiphi enye imbangi yakaMphikwa eyaziphosa ngelawini lakaBathabile mhlokho? (1)
- 3.15 Veza ngamaphuzu amathathu bona ipi yakaMphikwa noMfungelwa yaphetha njani? (3)
- 3.16 Kubayini uMfungelwa athi kuBathabile yena akasiso isitjhimani. Veza iphuzu elilodwa elisekelweko. (2)
- 3.17 Kubayini umtloli asithi uBathabile namhlanje uhlangene neembila zithutha. Ipendulo yakho ayibe mumutjho. (2)

- 3.18 Ngamaphuzu amabili asekelweko veza bona uBathabile umlingisi onjani. (2)
[20]

IMITLOMELO YESIGABA C: [40]

ISIGABA D

UMBUZO 4

Ayikhulunyelwa eziko: Jiyane, D.M., Mahlangu, R.N.

- 4.1 Iiyema nezitjho pheze ziyafana, akhe ukhethe ubeke iiyema zodwa nezitjho zodwa kuvele bona umehluko uyawazi.

Ngihlangene neembila zithutha zirholwa ngemhlophe phambili ...
Amabele ahlange neesiphila
Ukubetha irhobe.
Kuhlonitjhwana kabili.
Iinkhonkhwani ezimaqalanga aziwubetheli umuzi.
Ukwanda kwalwa mloyi.
Umuntu mumuntu ngabantu.
Ngesabuya nentambo ekuthezeni.
Ubaba angavuka.
Ukuzikhuja

(10)

- 4.2 Hlathulula imikhakha elandelako yeenolwana:

4.2.1 Inolwana-nlwana,

4.2.2 Inolwana-ndabuko,

4.2.3 Inolwana-mlando.

(6)

- 4.3 Thatha inolwana eyodwa kilezi ezilandelako uyitlole sengathi ucocela abalaleleko. Ingabe inolwana leyo iwela ngaphasi kwawuphi umkhakha? (10)

4.3.1 UDimana noDimakazana.

4.3.2 Indoda nenyoni.

- 4.4 Tlola iimpendulo zeenrarejo ezilandelako:

4.4.1 Ngesitimela esingakhambi esiporweni.

(2)

4.4.2 Ngogogo obhibhidlthe iinlonda umzimba woke.

(2)

4.4.3 Ngabantu abakha indlu banganamanzi.

(2)

4.5 Tlola iimpendulo zeenrarejo ezilandelako:

- 4.5.1 Ngekomani ekhamba ngemilenze emine ekuseni, emini ikhambe ngemilenze emibili, kuthi ntambama ikhambe ngemilenze emithathu. (3)
- 4.5.2 Ngomuntu wami ongena ngendlini ngesinyavani. (2)
- 4.5.3 Ngento enomsebenzi omkhulu ngemva kokulahlwa mnikazi. (2)
- 4.5.4 Ngonangu nanguya! (1)

IMITLOMELO YESIGABA D: [40]

ISIGABA E

UMBUZO 5

Uzangenzeni: Jiyana, Masango, Skhosana

Funda indatjana elandelako bese uphendula imibuzo:

“Thulani” Kuthi nghwayi, Athome akutjhayisa.

“Tjhayani tjhayani bo.”

“Siyavuma!”

“Amakhosi ayakhuluma na vumani.”

“Siyavuma!”

“Bathi akuhlatjwe imbuzi enzima na vumani!”

“Siyavu ...”

“Phumani khona nje niyokufuna imbuzi enzima yokuthethelela. Ngaphambi kobonyana nikhambe bekani amasumi amathathu weemponde lapha.” Babhadele baphume barhudula iinyawo immoya iphasi, babona enganatjani.

Kudlhabhe ngamandla ubulwelwe endleleni. “Okungcono asiye kuNombengula indawo elikhulu ngehla kweBronghoro mhlamunye singlarhelebheka.”

Kungasaphikisanwa bayokuthela amafutha banqophe eMareyini, bafika ngokukopheka kwelihlo. Isikhathi silokhu sidose njalo.

“Thokoza!”

“Siyathokoza.”

“Ngenani, nihlale phasi. Ngibawa bona nivume into eniyaziko. Lapha ningazwisisi khona nibuze. Ubundawu nobunyanga ngakuthatha kude begodu ngineminyaka emasumi amabili ngibenza. Ngikhanyisa nge-R20. Ifakeni ngaphasi kwesikhumba engizokulahla kiso iindawula.” Lizirhatjhe.

Ziyakhuluma iindawula. Umntwana lo uyagula, uphethwe ligazi lesifazi. Ngilo elimsilaphaza umzimba woke. Lizombangela iinlonda ngaphakathi, agcine selaye kwabamhlophe, abazomsika enziwe i-ophuretjheni. Nenza kabuthaka uzokukhamba ephasini nofana agcine sele ahlanya. Unaye umntwana?”

“Iye unaye.”

“Ungangani?”

“Sele amdadlana yena.”

“Arha-ke, niyabona bonanyana nginitjela iqiniso. Abanye baphi? Angithi senisebenzisa iinkhandelambekeko?”

- 5.1 Tlola ibizo lomuntu ogulako lo nokuthi ugula nje uphethwe yini? (2)
- 5.2 Hlathulula ikulumo elandelako:
- 5.2.1 Bafika ngokukopheka kwelihlo.
- 5.2.2 Uzokukhamba ephasini.
- 5.2.3 Iinkhandelambekeko. (3)
- 5.3 Okhulumako lo uthi umntwana uphethwe yini? Veza ngemitjho emibili. (4)
- 5.4 Ngaphambi kobana beze kuNombengula bebamuse kuphi ogulako lo, begodu bafika batjelwani lapho? (3)
- 5.5 Bala ezinye iindawo ezimbili lapha ogulako asiwa kizo, nokuthi endaweni ngayinye batjelwani. (4)
- 5.6 Indatjana le ifundisani? Ipendulwakho ayibe mumutjho. (2)
- 5.7 Isihloko siyakhambelana nalokho okutjhiwo yindatjana na? Vuma nanyana uphike bese uyasekela. (2)

[20]

Funda indatjana elandelako bese uphendula imibuzo:

Wathi bona afike kuNomzana Botha, uSkhosana wathula ingwanakhe wadosa isitulo wahlala. UBotha wambamba ngesandla kulotjhiswana. “Skhosana, ngokudabuka okukhulu, ngithe angikubize njengendoda evame ukungidosa ngendlebe nakunento engakhambi kuhle, la eKampanini,” kutjho uBotha.

“Kosi” kutjho uJali, afumbethe ingwani ngesandla. “Ubaba uMotha akasekho. Kuzwakele bona uthole ingozi yekoloyi, ngepelaveke. Manje Skhosana hlangana nani noke, ngibone bona angibize wena ngizokwazisa kwamathomo. Lokho ngikwenziswa kukobana nginekinga yokobana ngubani ongakghona ukuthatha isikhundla sakaMotha? Kwesibili, Skhosana, iinsebenzi zeKampini yethu le, inengi lazo linommoya wepolitiki. Nawe Skhosana bekutholakala bona ukhona ekubhenyogeni kwazo, kodwana ngiyakunyula ngombana, bekuthi entambama ukghone ukungibethela umrhala, nanyana ungibize ngize kwakho, ungitekele zoke, nokobana ngubanni onommoya khulu.”

“Kosami” kutjho uJali.

“Manje-ke Skhosana ngifuna ungiphe umbono bona ngubani esingamkhuphula esikhundleni sakhe, athathe isikhundla sakaMotha? Ngaphambi kobana uphefumule, ngifuna ungalibali bona uMotha bekafundile.

- 5.8 Tlola ibizo lekampani esetjenzelwa nguJali. (1)
- 5.9 UMotha bekanesikhundla siphikampanini le? (1)
- 5.10 Kukwenzanjani ukudosa ngendlebe. Hlathulula ngomutjho. (2)
- 5.11 Tlola uveze ngemitjho emibili bona uJali bekamtjelani uBotha. (5)
- 5.12 Iinsebenzi zazinghonghoyila nje zabe zifunani. Bala iinghonghoyilo ezintathu. (3)
- 5.13 Ukuthi Jali sithakazelo. Tlola isibongo sabantu abazibiza ngamaJali. (1)
- 5.14 Indatjana le iyafundisa. Tlola isifundo esitholakala kiyo bese usekela lokho okuvezako. (3)
- 5.15 Zaba njani izinto ngemva kokuphatha kwakaSkhosana? Tlola uveze ngamaphuzu amabili. (4)
[20]

IMITLOMELO YESIGABA E: [40]

INANI LOKE: 80